

Orationes eulogisticae.

D. Thomas

Friedenfelds Amandi: Divus Thomas  
Doctor angelicus assimilatus ma-  
netiae probatae publicae —

Vetere Pragae.

typis Archiep. Lemm. per Georg.  
Samuelum Beringer. 1699.

Thor  
9460











Bibl. 200.

DIVUS  
T H O M A S  
DOCTOR ANGELICUS  
Affimilatus  
MONETÆ PROBATÆ  
P U B L I C Æ

Genesis 23.

&

*Sermone Panegyrico Concelebratus.*

In Templo S. Æ G I D I J Sac. Ord. Præ-  
dicatorum Vetero-Pragæ.

a

R.P. AMANDO FRIEDENFELS, Sac. Ord.  
Præmonstr: Regiæ Ecclesiæ Strahoviensis in Mon-  
te Sion Canonico, Philos: & SS. Theologiæ Professore, nec  
non Collegij S. NORBERTI Vetero-Pragæ Vice  
RECTORE.

*M. Martin Glinski.*

Anno quo

1699.

SeqVens teXtVs VerVs esse LegIt Vr:

peCVnlæ obeDIVnt oMnla Eccl: 10.

\*\*\*\*\*  
VETERO-PRAGÆ,

Typis Archi-Episcopalis Seminarij, in Collegio S. NORBERTI, per Geor-  
gium Samuelem Beringer, Anno 1699.



*Illustrissimo , ac Excellentissi-  
mo Domino Domino*

FRANCISCO  
ANTONIO

S. R. I. Comiti

DE SPORK,

Domino in Lissa, Gradlitz, Maleschovv, & Kono-  
ged &c, S. C. M. Intimo Consiliario, Camerario, Regio-  
que in Bohemia Locumtenenti.

*Domino ac Patrono Munificentissimo.*

Hanc monetam submississime præsentat,  
Devinctissimum Studium Generale Ord. Præd. Ad S. Ægidi-  
um Vetero-Pragæ.

**S**UScipe Thomæ Comes Illustrissime Nummum,  
Quem veris Christus laudibus ipse probat.  
Es pariter Nummus magna cum laude probatus,  
Nam Te Romani Cæsaris Aula probat.  
Strenuus æquavit Genitor Tuus Herculis acta:  
A Spork Hydra ferox Turcica victa fuit.  
Cæsaris es Magni Tu Consiliarius, & Te  
Vt Regni Procerem Czechica terra colit.  
Te facit ingenium, nec non sapientia Magnum,  
Non æquat pretium parva moneta Tuum.  
In Te nil parvi cum sit, sed singula magna,  
Te Magnum Nummum dicere quisque potest,




ssi-

O

ono-

o-

idi-



# ORATIO.



**T!** Silentium! A. O. Regina Pē-  
cunia loquitur, ad quam cum totus Mundus  
respiciat, in magno habenda est respectu.

*Nummus honoratur sine nummis nullus  
amatur*

*Nummus ubi loquitur, Tullius ipse tacet.*

Tinnientis pecuniæ resonantia, raucos efficit facundissimos Ora-  
tores; quia teste Doctissimo Alano *Ubi nummus loquitur, Tulliani elo-*  
*qui tuba ravescit.* Et quis audebit loquente pecunia hircere? Par-  
cendum igitur est linguis, & pecuniæ loquente, aperiendæ sunt au-  
res ac marsupia. *Aures cum auro* magnam habent sympathiam. Aures  
delectantur *aureis verbis*, aures avidissime audiunt, quando promittun-  
tur *montes aurei*, & ipse aurifluus torrens eloquentiæ Chrysostomus tam  
acceptus auribus Orator non fuisset, nisi *aureum os* habuisset. Pecuniam  
non tantum audiunt, sed etiam exaudiunt omnia. Imò majus quid sacer  
textus pronunciat: *Pecunia obediunt omnia.* Verè cæca hæc est obedi-  
entia, quæ per munera excæcat oculos sapientium. O! quam multi sunt, talis  
obedientiæ voto obstricti, quibus nihil magis in votis est, nisi pecuniæ  
obedire. O! quam copiosi reperiuntur aureæ obedientiæ filij! qui pro  
Numinibus Tutelaribus colunt ex Italia *Julios & Paulos*, ex Galliis *aure-*

*de conquest.*  
*nat.*

*Ecccl. 10.*  
*Deut. 6.*



nomina mo-  
netarum.

In sent.

In Phanif.

ex Hispanijs *Philippus*, ex Anglia *Jacobus*, & tunc se primam Maij festivitatem celebrare existimant, quando illis præ manibus sunt multi *Philippi* & *Jacobi*, sibi que verum tempus tunc aridum credunt, quando in illorum cistis, & scrinijs *aurea* florent *lilia*, hoc enim tempore *vivunt in floribus*. Sice est! *Pecunia obediunt omnia*. Habet potentiam obedientialem valde activam, & vix non dicerem, quandam Omnipotentiam. Potentius igitur argumentum pro augenda D. Thomæ gloria assumere non valui, nisi ipsam pecuniam. Si enim Oratoris finis est *appositè dicere ad persuadendum*: profectò omni svadela potentior est pecuniâ; quia juxta S. Nazianzenum, *auro loquente iners est omnis Oratio*; *persuadet enim, etiamsi nullam vocem edat*. Quapropter ut persuadeam vobis A. O. Ingentem esse D. THOMÆ præstantiâ; illum conformiter ad libri Genes. Caput 23. in figura *MONETÆ PROBATÆ PUBLICÆ* proponâ, valde enim grata est illa propositio in qua Numi proponuntur; quia ut Euripides existimat, *mortalibus nihil carius est pecuniâ*. Hoc etiam Thema mihi defectuoso Rhetori subsidio erit. Quamvis enim vilis, informis, ac hiulus futurus sim Orator, hos omnes defectus supplebit pecunia, de qua sic modulatur Musa Horatiana.

*Et genus & formam Regina pecunia donat,  
Et bene Nummatum decorat Svadela Venûsque.*

Illoti mei oris barbarismos cooperiet aurea Æsculapij barba. Per hoc aureum argumentum lucrari conabor Amplissimi hujus Auditorij benevolentiam, si verus est ille Poëtæ versiculus.

*Aurum quisquis habet superos mercatur & astra.*

Argumentabor igitur in *DABITIS* illâ Menandri animatus sententiâ, *Tantum DATO; ipsos habebis vel ministrantes DEOS*. In primis tamen O Doctor Angelice! me tibi tanquam magnûm sisto debitorem. Tribus jam vicibus ex hac cathedra perorando, obligationi meæ satisfacere conatus sum, ut debitum meum pro viribus plenè persolvam, hanc quartam Orationem, & ut opinor ultimam, ad Gazophylacium Tuum depono, tanquam ultimum & novissimum quadrantem. Vobis autem Reverendissimi Præsules, & quâcunque Ecclesiasticâ dignitate Venerabiles Auditores. D. Thomam offero tanquam *Siclium Sanctuarij*.

Lev. 27.

Moneta hæc tota *Sancta* est, ideoque ad manus *Sanctas* eam depono, &

tam



tam *Sanctis* Personis offero, quibus licitum est intrare *Sancta Sanctorum*. *Leu. 6.*  
 Vobis Excellentissimi Regni Bohemiæ Proceres, Illustrissimi Sac.  
 Rom; Imp. Comites. nec non quocunque Nobilitatis titulo Illustres  
 Heroës, ut vestrum lucrer affectum, in D. Thoma præsentio unum *Im-*  
*perialem*. Thômas nummus totus *Imperialis* est, quia valorem habet  
 sapientiæ, quæ de sedicit: *per me Reges regnant & principes imperant.* *Prov. 8.*  
 Vobis Eximij, Clarissimi, Excellentissimi, & quicunque de prædicato  
 sapientiæ vel doctrinæ participatis, ut vestram captem Benevolentiam,  
 pariter nummum Thomisticum largior; Non solus vult *Galenus*  
*Opes*, etiam reliquæ facultates, congregant opum *facultates*. Nec so-  
 la Philosophia, sed etiam aliæ scientiæ *bona* amant *media*: proinde vo-  
 bis antiquum nummum porrigo, in quo referente Pierio cernebatur  
 simulacrum Palladis ingenti *scuto* instructum: hoc non est *scutum* Ro-  
 manum, sed *scutum* Monetæ Thomisticæ, de quo cum Ecclesiaste dici  
 potest: *sicut protegit sapientia, sic protegit pecunia.* Ut autem etiam ve- *Ecc. 7.*  
 stram reliqui omnes A. O attrahere possim inclinationem, similiter in-  
 ter vos distribuo Thomisticam monetam. Fuit D. Thomas *parvum in* *1. Reg. 25.*  
*oculis suis*. Hanc parvam vobis dono pecuniam. Nolite hoc munus  
 spernere: etiam parva pecunia operatur magna, in parva pecunia non  
 parva virtus continetur, includitur enim illa de qua S. loquitur Au-  
 gustinus: *non est parva justitia, quam in parva pecunia custodire debe-*  
*mus.* Hæc ex Gazophylacio Thomistico vobis obtuli omnibus hono-  
 rum titulis venerandissimi Auditores. Si ex meis facultatibus ali-  
 quod donum desideratis, Pauper Religiosus nihil offerre possum, nisi  
 hunc unicum *Album*, videlicet me ipsum offerendo tanquam *malum*  
*nummum, in hac Triurbe notum.*

Plotinus (teste Lipsio) vir sapientiâ inclytus non dubitavit asserere  
*hominem esse quoddam OMNE*. Si homo est *omne* consequenter etiam  
 est pecunia. Suffragatur huic illationi auristius Chrysostomus dicens:  
*Numisma Casaris aurum est, Numisma DEI homo.* Fuit Thomas homo *In Math.*  
 DEI, adeoque numisma DEI. Fuit moneta publica, non in privatis *c. 12. hom.*  
 angulis, sed in illustrissima Comitum Aquinatum Domo in publicam *42.*  
 hujus mundi lucem edita. Fuit Thomas moneta publica,  
 quia publico bono natus, & à DEO datus, adeoque illi attribui po-  
 tuit ex nummo Alexandri Pij desumpta inscriptio: *Spes publica*. Fuit  
 moneta probata & caractere Baptismali signata, de qua dici potuit il-  
 lud Augustini, *Moneta Christi homo est, ibi imago Christi, unum Christi,* *Pier. L. 55.*  
*c. 19.* *Ser. de nupt.*  
*& ef. filij Regis.*



*& effigies Christi.* Fuit neo-natus infans in Baptismate appellatus THOMAS, quod nomen magno mysterio non vacat. Si enim in hoc nomine singulæ unilitterarum occultæ significationes explicantur; hunc sensum dabunt;

# THOMAS

Thesaurus Hujus Orbis Moneta Aquinatis Superat.

*hans. G. con-  
tra Nest.*

Quantum valoris & pretij in hoc nummo contineatur ostendit illa chartula cui inscripta fuit salutata ab Angelo MARIA, illam enim parvulus Thomas avidissimo ore deglutivit. O Quantum thesaurum hic nummus parvulus interni valoris intra se habet per MARIAM, quam B. Cyrillus *Thesaurum pretiosum totius Orbis* appellavit. Ex hac deglutita pretiosa chartula, facile fuit ominari Thomam olim futurum nummum publicum, impetrato per illam Virginem privilegio, in cuius partu Angeli *publicarunt pacem hominibus bonæ voluntatis.* Hæc de parvulo Thoma, quo crescente etiam crevit valor hujus pecunie. Aspiravit Thomas *ad Perfectionem* adeoque Religiosum statum amplectendo ingressus est *viam perfectionis*, secutus est Consilium nostri Salvatoris, & ferendo crucem secutus est JESUM O quanti valoris est iste *crucifer*! O quam dives est illa Religio quæ multos tales *cruciferos* habet. Hæc est Religio Prædicatorum, quæ juxta testimonium Alexandri IV, *gloriatur in Cruce Domini nostri JESU Christi.* In hoc sacro Prædicatorum Ordine factus est Thomas Moneta publica, quia Prædicatorum munus est Evangelium *predicare super tota*, id est juxta interpretationem Cornelij à Lapide *Palam & publicè coram omnibus.* Prævit illis exemplo suo Prædicator Gentium Paulus Apostolus de se ita loquens: *Vos scitis quomodo nihil subtraxerim utilium quo minùs annuntiarem vobis, & docerem vos publicè & per domos.* Hic est famosus ille Judæorum mastix, qui Actor. 18. *vehementer revincebat Judæos publicè.* Hunc Ante signanum suum Patres Prædicatores secuti, plusquam in decem sacris Concilijs comparuerunt, & in facie totius Ecclesiæ contra Schismaticos & Hæreticos publicè disputarunt. In hoc sacro Prædicatorum Ordine Thomas omnes probas sustinuit, quibus Religiosus Novitius sub.

*Math. 10.*

*Act. 20.*



subjacet *in anno probationis*, adeoque se esse *monetam probatam* ostendit.  
 Sed non intellexit hujus nummi pretium mundana & secularis con-  
 sanguineorum sapientia, qui illum à Sancto Religionis proposito ab-  
 strahere conantes de moneta *publica* penè fecerunt *privatam*, Thomam  
 enim sacro Habitu privantes, ad latebras arctæ custodiæ retruferunt.  
 Nihilominus in hoc etiam statu Thomas mansit moneta publica, quia  
*speculaculum factus est mundo & Angelis & hominibus*. Clausus quidem  
 erat abstrusæ custodiæ latebris hic Thesaurus sapientiæ, sed absurdis-  
 simum factum improbat Ecclesiasticus his verbis: *Sapientia absconsa,*  
*& Thesaurus inuisus quæ utilitas in utrisque?* Thomas bono publico na-  
 tus fuit, igitur tanquam moneta publica, publicæ debet utilitati infer-  
 vire. In his custodiæ angustiis constitutus Thomas cum Doctore  
 Gentium conqueri potuit *de falsis Fratribus*. Quis enim non dicat es-  
 se falsos fratres, qui falsarios agere decreverunt? ut enim probatissi-  
 mam Thomæ monetam fallarent, vilissimum scortum submiserunt, vo-  
 lentes purissimum Thomæ argenteum coñixtione Veneris adulterare,  
 utq; hanc monetam publicam splendore castitatis privatam, ad statum  
 gratiæ privatum deducerent; mirum dictu! adhibent *mulierem publi-*  
*cam*. O Thoma numme pretiosissime periculosissimam sustinendam  
 habes valoris tui probam! *Pretium scorti vix est unius parvi, mulier au-*  
*tem viri pretiosam animam capit*. Substitit tamen in hac ignea proba  
 nummus Thomisticus, & commixtionem tam vilis metalli non admi-  
 sit, ostenditque se esse talem monetam quæ continet *argentum igne exa-*  
*minatum, probatum terra purgatum septuplum*. O quam multi mortali-  
 um nummi hanc probam non sustinent, sed ad ignem Cupidinis positi,  
 instar Mercurij evanescent. In hoc tamen unico Thomas aliquan-  
 tum similis fuit Mercurio (qui tam arctè custodiri non potest quin per  
 aliquam rimam evadat) quod per fenestram ex Castro se subducens, ex  
 manibus fratrum tanquam *argentum vivum* elapsus sit, in qua fuga  
 Neapolim se proripiendo se representavit *pecuniam currentem*. Insigni-  
 ri tunc potuit hæc moneta è carceribus liberata, illà quæ legitur in  
 nummo Servij Galbæ inscriptione: *Libertas publica*. Quia verò  
 Thomas (ut phrasi Augustiniana loquar) accepit à DEO *ingenium*  
*spiritualiter aureum*; Missus est ad Parisiensem urbem, ut ab Alberto  
 Magno huic *magne spei* discipulo tanquam metallo probatissimo signa-  
 culum sapientiæ imprimeretur. In hoc Scholastico Tyrocinio non fe-  
 cit Thomas multum clamoris & parum valoris, non promisit multum

1. Cor. 4.

Ecc. 20.

2. Cor. 13.

C. inter opa-  
ra x. de-  
sponsa.

Prov. 6.

Psal. 11.

Epist. 39.



- de sono & parum de bono, sed totus Magistro intentus Pythagoricum servans silentium, illius dicta tacitus ruminabat. Respexerunt ad hanc externam tam silentiosi Harpocratis signaturam Thomæ condiscipuli, & illum esse *bovem mutum* conclamârunt. Satisquidem temerarium hoc fuit iudicium, sed valde quadrans ad meum propositum.
- Colum. l. 6.** Si enim pecunia à *pecundo dicta est* eò, quod figurâ pecudis signaretur: unde etiam Athenienses *bovis* effigiem monetæ imprimebant, nihil omnino fuit mirum quòd silentiosus Thomæ nummus *bos mutus* fuerit appellatus. Hinc etiam de silentio pecunijs imposito exortum est proverbium: *Habet bovem in lingua*, id est nummum bove signatum. **Pier.** Quàm multis pecunia os obstruit, dum argenteum gregem talium bonum ad venalem linguam quasi ad pascua pellit. Longè majora de hoc silentioso discipulo magnus eminabatur Albertus, qui ad intrinsicum hujus monetæ respiciens valorem,prehendit illum esse nummum *humani capitis* effigie signatum, adeòque in hoc capite magnum repositum esse, doctrinæ Scholasticæ capitale; nam *quid sine capite est homo?*
- L. 6. Hexam. 6. 9.** (proclamat Ambrosius) *cum totus in capite sit.* Correspondit huic fundatissimo Alberti iudicio eventus, nam tantos in scientijs sublimioribus progressus fecit Thomas, ut Doctorali laureâ coronatus, rectè potuerit unus *Coronatus* vel *corona* appellari. Quanti autem valoris sit hujus monetæ caput, unica *summa* ostendit, cujus rationes si in computum ducantur, continet totius Theologiæ *summam summarum*. De illa dici potest illud Senecæ: *magni artificis est clausisse totum in exiguo.*
- Epist. 53.** Similis est hæc summa nummo aureo, qui licet sit parvus mole, est tamen magnus valore, appellari potest *Ducatus* optimus, qui enim Thomam *ducem* sequitur attestante Clemente Octavo, *nunquam invenitur à veritatis tramite deviâsse.* Hoc solo titulo constanter assevero *talentum* Thomæ equivalere talento pecuniæ. Talentum pecuniæ valet 12. millia Ducatorum, Talentum Thomæ duodecim millia Doctorum, Pluris æstimandus est unus Doctor Angelicus, quàm multa Authorum millia. Huic nummo illud elogium Davidis competit: *Tu solus pro decem millibus computari.* Verum est quod dicit Seneca: *magno impendio temporum, magnâ alienarum aurium molestia, laudatio hæc constat:* *O! hominem litteratum.* Magnæ Authoritatis est vocari Doctorem publicum, nonnunquam tamen etiam in publicis Cathedris publici obrepunt errores. D. Thomas est Doctor publicus, quia in compluribus Academijs Publicam Cathedram possidet. Est moneta publica, quam



quam nullus error adulteravit, quia in suis per totum mundum publicatis libris juxta publicum testimonium Clementis VIII. *scripsit sine omni prorsus errore.* Porro æstimationem doctrinæ Thomisticæ antiquitas augeat: etenim (ut vir patientiæ Job enuntiat) *in antiquis est sapientia.* Si de antiquitatis prærogativa loquendum sit, profectò recentioribus meliora sunt. *antiquum vinum & antiqua pecunia.* Antiquum vinum sacra pagina commendat hoc oraculo: *Nemo bibens vetus statim vult novum, dicit enim vetus melius est.* Hæc cum sint verba Evangelij libenter idem sentio, & antiquo vino hoc Metaphysicum inscribo symbolum: R. E. U. B. A. U. quod sic explano. Res Est Valde Bona, Antiquum Vinum. Jam verò ut de *antiqua pecunia* discurram, hanc antiquitatem amant etiam *novitatum sectatores*; & quia nummi jocosa phrasi vocantur *murmurantes*, in marsupij sui clauetro pluris æstimant murmurantes *seniores* quam recentes *novitios*. Si tamen aliqui novitas extremè placet, ille juxta Lyrinensem ita doceat, *ut cum dicat novè non dicat nova.* Retineat antiquam pecuniam & irà illam expoliat ut acquirat novum splendorem. Non tamen imitetur *monedolam* & antiquæ sententiæ monetam furto sublatam sibi vendicet, tanquam recenter ex cerebri sui modulo prodivisset. Non fiat (inquam) *monedola*, cui referent Plinio *furacitas auri argentique præcipuè mira est.* O quàm copiosè monetam S. Thomæ furantur *monedola.* Dicit fortassis nonnemo, me fundatissimæ D. Thomæ Doctrinæ multum derogare, illam pecuniæ assimilando. *Quid enim tam incertum* (inquit Magnus Augustinus) *quam res volubilis? Nec immerito ipsa pecunia rotunda signatur, quia non stat.* Sed ignoret A. O. In re monetaria reperiuntur etiam *nummi quadrati.* Ex illorum sorte Thomas est: *Quadratum autem omne* (asserente Venerabili Beda) *quocunque vertitur fixum stare consuevit.* Doctor Angelicus est Doctor fundatissimus, ideòq; illius nummus justè potest propter soliditatē doctrinæ unus *solidus* vocari: hoc enim elogio sententiæ illius exornat Alexand. VII. dum *inconcussa dogmata* appellat. Magna profectò inter pecuniam & D. Thomam est convenientia; pecunia enim in mundo stupenda facit miracula. Pecunia cæcos Justitiæ aperit oculos, & facit munera videntes. Pecunia mutos loqui facit Secretarios. Pecunia surdas aures aperit; & facit audire preces auro armatas. Pecunia facit illos claudos ambulare, de quibus Thomas Kempensis ita loquitur: *pro modica præbenda longa via curritur, pro æterna vita vix pes semel à terra levatur.* Longè divi-

Cap. 12.

Lut. 5.

In Epist. 1.  
ad Tit. c. 5.

L. 10. c. 29.

In Psal. 82.

Lib. 3. c. 3.

niora



Lib. 12. de  
lib. Arb. c. 1.

Ora A. O. Nummus Thomisticus patravit miracula à Sede Apostolica approbata, quia D. Thomas in Libris suis, Testimonium perhibente Joanne XXII. *quot scripsit articulos tot fecit miracula.* Sed quid opus est multis testimonijs? Hæc unica sufficit Christi in Cruce pendentis approbatio. *Bene scripsisti de me Thoma.* Quis nunc audebit dicere hanc monetam esse malam, quam *summa bonitas* approbavit? Thomas malus nummus esse non potest, quia juxta mentem S. Augustini: *qui malus est, Doctor non est: si Doctor est, malus non est.*

Testimonium JESU suscipit & amplectitur Sacra Societas JESU. Magna est illius in Scholis Autoritas, neque potest esse moneta sophistica, quæ à JESU & illius sacris Socijs approbatur. Suscepit Thomam in Constitutionibus suis ut *Doctorem proprium*, & quomodo erit credibile: am in acceptanda moneta falli, quæ Argo oculatior Lynceò visu malam doctrinæ pecuniam à bonâ distinguit. Agnoscit illum in decretis suis esse *Principem Theologorum*, adeoque in eo veneratur Autoritatem Principis. Traditur D. Thomæ sententia ab Eximijs Societatis Theologis in Cathedris publicis, & Conclusiones illius in publicis Auditorijs propugnantur: & consequenter illi tribuit Autoritatem publicam *Principi Theologorum*. De hoc Thomistico nummo cani potest illud Poëtæ:

*Audito nummo quasi viso Principe Summo,  
Diffiliant valvæ nil auditur nisi Salve.*

Alath. 5.

Pierius

Salve igitur Theologorum Princeps Thoma! Te enim in nummo tuo veneror. Es moneta, es probata, adhuc semel addam es publica. Minus pijs annumerandus forem, si Pij V. Apostolicam non venerarer Autoritatem, qua Te præcipuis Ecclesiæ Doctoribus Quintum annumeravit. Si Ecclesiæ Doctor es, & Ecclesia non possit abscondi, tanquam *Civitas in monte posita*, in loco publico publicus Doctor esse comprobaris. Et sic scopum meum attingi, quod sis moneta probata publica, cui propter eximios fructus quos Orbis Literatus ex tuo nummo hausit, jure merito imprimi potest ex Juliæ Mameæ Numismate hæc inscriptio: *Felicitas Publica.* Parce Doctor Angelice quod tanquam persona privata Te Doctorem Publicum publice ausus sim venerari, nihil habeo publicitatis nisi quod defectus

meos



meos in hac Oratione publicando factus sim *publicanus* : Unde præ  
confusione non audeo oculos ad Cælum levare, & hoc solum mihi restat, ut  
percussus pectus meum dicam : *propitius esto mihi peccatori.*

Luc. 18.

Ad vos finaliter mea convertitur Oratio A. O. qui oppositam D.  
Thomæ sententiam propugnatis. Perhumaniter vobis offero aureum  
illius numisma. *Magis est pecuniarum vis !* exclamat S. Chrysostomus.  
Auro sæpe expugnantur castella fortissima. Licet ergo firmis-  
sima existimetis esse Doctrinæ Vestræ propugnacula, aurò tamen pos-  
sunt superari ; Unde alloquens Cadaloum Antipapam S. Petrus Dami-  
anus ait : *habens pugillum aureum frangis murum ferreum.* Non alijs  
vos aggrediar militibus nisi aureis, de quibus idem S. Pater sermonem  
suum ita prosequitur : *Ducis post te castra aurò potius quam ferrò ar-  
mata, & sic nummi proferuntur è loculis quasi gladii vibrentur è thecâ.* Pro-  
testor autem me non velle vos pecuniâ *corrumpere*, sed *cor rumpere*, &  
pacisci ( sit venia peregrino verbo ) vobiscum *accordando* quod idem  
est *ac cor dando*. Non est alia inter Vos & D. Thomam discrepantia,  
nisi quòd dicatis NON; ille autem ITA. Sed facile hæc difficultas dissol-  
vetur, quia paratâ pecuniâ solvetur. Accipite igitur hanc monetam  
probatam, publicam, & tota res per verbum *solvo* erit *in salvo* ; venissi-  
mè enim cecinit quidam insignis Poëta ;

*Album pecunia nigrum, iniquum æquum facit ;  
Affirmat ubi negandum, ubi ajendum negat,  
Ex NON, facit denarius cum vult ITA.*

Si hoc stratagema mihi feliciter successerit cum Doctissimo Ala-  
no exclamabo ! *Nummus vincit, nummus regnat ! nummus imperat !*  
Quod si autem alicui hæc difficultas per nummum Thomisticum non  
videatur sufficienter esse soluta, & adhuc plus prætendendo conque-  
ritur sibi non esse satisfactum, Illi cum Evangelico Patre familias  
respondeo :

De conq.  
nat.

*Amice non facio Tibi injuriam ; Tolle quod tuum est,  
ET VADE.*

Math. 20.



D I X I.



*M. L. J.*



9460



